



# BOSQUE GRAFIES

**III ALCUENTRU D'ARTE Y NATURALEZA**

Parador de Turismu de Cangues d'Onís  
Villanueva (Cangues d'Onís, ASTURIAS)

**6-8 OCHOBRE 2023**

*Porque escribir ha sido para mí una  
constante voluntad  
de atravesar el espejo,  
de entrar en el bosque.*

Ana María Matute




Dibuxar, escribir, amasar una viesca. Recibir los estímulos sensoriales de la naturaleza y componer una visión nueva del orixe de nueso. Entreganos al xuegu creativo pa, a la fin, tornar a la fonte de tou arte, que puede ser árbol, raigañu o solombra nel agua.

El ser humanu imitó al traviés de les sos creaciones les formes de la naturaleza, trató d'algamar la so lluz, la so eventualidá, tien cantao a lo sublime de la so guapura al empar qu'esplotaba los sos recursos nuna carrera qu'arramplaba hacia'l progresu. Frutu de la reflexón alredor d'esta esplotación sistemática surde una conciencia colectiva qu'anicia un diálogu más próximo y respetoso col entornu. Una corriente de pensamientu na que la espresión artística xenera calces d'entendimientu cola naturaleza y, de dalgún mou, la remocica al atopar nella inspiración, conteniu y forma, batura.

Bosquegrafías agospia esta diversidá de rellatos creativos. Un claru na viesca nel que les artes diverses reescriben esi espaciu verde, salvaxe y revelador al que pertenecemos. Lliteratura, artes plástiques, música, esperiencies sensoriales. Toes elles falen de naturaleza, de la busca d'una esencia perdida, de llibertá, d'autoconocencia.

Nel tiempu de trés xornaes, Cangues d'Onís abre un espaciu pal encuentru ente artistes, públicu y naturaleza nel que vamos conocer y experimentar les "grafías" múltiples que se nutren de la viesca y la interpreten. Alderiques, talleres, llectures y esperiencies inmersives que nos van convidar a un llargu viaxe de regresu a casa.



# VIENRES ochobre

# 6

**18:30h. INAUGURACIÓN OFICIAL**



**19:00h. NATURALISMU POÉTICU**

Por **Ignacio Abella**

CHARRA

Ignacio Abella ye un reconocíu escritor asitiáu n'Asturies, apurriú al estudiu y vivencia de la naturaleza y al mundu rural nel que se topa dafechu integráu.

Allega per segundu añu a Bosquegrafíes, esta vegada na so sesión inaugural, para falanos de naturaleza, mitos y tradiciones. Del monte qu'habita en cada ser humanu.





## 10:00h. ILUSTRACIÓN BOTÁNICA

Por **Esther Muntañola**

TALLER D'ILUSTRACIÓN

La poeta y artista plástica asturiana Esther Muntañola va ufiertar nesta xornada un taller d'ilustración botánica. Los/les asistentes van facer un cuadiernu de campu, esperimentando con técniques como l'acuarela, la tinta, etc.

Una esperiencia de contemplación y expresión de la naturaleza pa la que nun van ser necesarios conocimientos previos.



## 12:30h. FILOSOFÍA Y NATURALEZA

Por **Santiago Beruete**

CHARRA

L'autor d'obres de gran espardimientu como "Jardinosofía" o "Verdolatría" llega a Bosquegrafíes pa falanos d'utopía, filosofía y naturaleza, el mundu del xardín y la metáfora que supon na nuesa cultura, los venceyos ente'l pensamientu abstractu y el monte, el nuesu verdaderu llar.





## 18:30h. LLITERATURA

Por **Olga Novo**

RECITAL POÉTICU

La poeta galardonada col Premiu Nacional de Poesía 2020 pola so obra "Feliz Idade" va compartir versos y charra colos/les asistentes. La so obra, dafechu enraizada no rural, mediu nel qu'habita y desenvuelve la so poesía, venceya lo pequeñu colo universal y tien un potente valor escénicu. Escuchar a Olga Novo siempre supon un tresformamientu.



## 20:30h. MÚSICA

Por **Abraham Cupeiro**

CHARRA/CONCIERTU "RESONANDO EN EL PASADO"

"Resonando en el pasado" ye una colección de instrumentos musicales que Abraham Cupeiro amuesa al traviés d'un conciertu-monólogu nel que viaxa al pasáu más remotu de la nuesa especie al traviés de los sos soníos.

Esti proyectu surde del interés de Abraham Cupeiro por conocer y recuperar instrumentos de toles épocas y llugares.



**ATENCIÓN:** El conciertu de **Abraham Cupeiro** va facese nel **Aula del Reino de Asturias** (**Cangues d'Onís**)





## 10:00h. GASTROBOTÁNICA

Por **Amanda Bataller y Cristina Escobar**

PASÉU BOTÁNICU + DEGUSTACIÓN

Amanda Bataller ye cocinera vexetariana y artista. Dedícase a la divulgación y realización de talleres de cocina d'aprovechamientu, conserves, fermentadura vexetal y cocina con plantes monteses. Nesta edición vamos facer una ruta de etnobotánica que va rematar n'una degustación de pequeños platos d'alta cocina ellaboraos con plantes monteses.

A Bosquegrafíes torna con Cristina Escobar pa facer una experiencia qu'en 2022 tuvo un gran éxitu.





# BOSQUE GRAFIES

**III ALCUENTRU D'ARTE Y NATURALEZA**

Parador de Turismu de Cangues d'Onís

Villanueva (Cangues d'Onís, ASTURIAS)

**6-8 OCHOBRE 2023**



**Principáu  
d'Asturies**

Conseyería de Cultura,  
Política Lingüística  
y Turismu



**artesavia**  
GESTIÓN CULTURAL Y NATURALEZA



Más información y reservas:

**[www.bosquegrafies.com](http://www.bosquegrafies.com)**

Actividá subvencionada pol Gobiernu del Principáu d'Asturias